



TVisco inter alios homines uiginti principes & comites itineris ex suis consanguineis & popularibus secum habuit, cum ex Armenia primum in Europam tranſceret, qui unà cum ipſo duce Germaniam atque regiones finitimas excoluerunt, & mirum in modum illuſtrarūt: itaq; eos ordine pauciſſimis proponemus. Inter eos uerò comites erat Scytha, ipſius Tuifconis frater (qui cognomento Priſcus dicitur) facile princeps. Is enim tranſgreſſo cum ſocijs Tanai, omnem terram quæ uerſus Orientem in Europa erat, ſibi addixit, & legibus ad certum uiuendi modum adduxit, ipſamq; Scythiam Europæam, cum Magogo

adminiſtrans, de ſe nominauit. ea enim à Tanai fluuio ſeſe ad Germaniæ fines atque ipſam Traciam extendit, fluuio Borithene celebris regio. unde quicquid uſbiam de Scythis Europæis ſcribitur, id propter hunc Scytham Priſcū, Germanorum cum Tuifcone fratre conditorem, de Germanis intelligēdum cenſeo. Ab eo etiam pars quædam Germaniæ in conſinio Aſtriæ & Vngariæ, Scythiæ nomen etiamnum retinet. Cum enim ipſe à latere fratris uerſus Orientem & Septentrionem regnum cōſtituiſſet, locus ille uernacula lingua Auff der Scheyten dictus fuit. Hunc uerò alij non Tuifconis fratrem, a deoq; Gomero prognatum, uerū ipſius Herculis filium conſtituunt. Berof.